

MOMWE MUNGAKHALIRE WANZERU PAMASO PA MULUNGU

**Nanga nzeru ichokera kuti? ndipo malo a
luntha ali kuti? Ndipo kwa munthu anati,
Taonani, kuopa Yehova ndiko nzeru; ndipo
kumatuka pa choipa ndiko luntha.
YOBU 28:20, 28**



Kuopa Yehova ndiko chiyambi cha nzeru; SALIMO 111:10

Pamenepo ndinaona kuti nzeru ipambana utsiru, monga momwe kuunika kulimbira mdima. MLALIKI 2:13

Nzeru ilimbitsa wanzeru koposa amphamvu khumi okhala m'mudzi. MLALIKI 7:19

Ngati wina wa inu akusowa nzeru, apemphe kwa Mulungu, amene apatsa kwa onse modzala manja, wosatonza; ndipo chidzapatsidwa kwa iye. Koma apemphe ndi chikhulupiriro, osagwedezeke konse. Pakuti wokayikayo afanana ndi funde la nyanja lotengeka ndi mphepo ndi kuwinduka nayo. Pakuti asayese munthu uyu kuti adzalandira kanthu kwa Ambuye. Munthu wa mitima iwiri akhazikika m'njira zake zonse. YAKOBO 1:5-8

Ndani ali wanzeru ndi wodziwa zambiri mwa inu? asonyeze ndi mayendedwe abwino ntchito zake ndi chifatso chanzeru. Koma nzeru yochokera Kumwamba iyamba kukhala yoyera, kenako yamtendere, yaulere, yomvera bwino, yodzala chifundo ndi zipatso zabwino, yopanda tsankho, yopanda chinyengo. YAKOBO 3:13, 17

Kuopa Yehova ndiko ciyambi ca kudziwa; Koma opusa anyoza nzeru ndi mwambo. MIYAMBO 1:7

Wodala ndi wopeza nzeru, ndi wopeza luntha. MIYAMBO 3:13

Mwana wanga, ukalandira mau anga, Ndi kubisa malamulo anga; Kuti utchere khutu lako ku nzeru, ndi kulozetsa mtima wako kukuzindikira; Inde, ukafuulira kudziwa, ndi kukweza mau ako kukuzindikira; Ukaufunafuna ngati siliva, ndi kuufunafuna ngati chuma chobisika; Pamenepo udzazindikira kuopa Yehova, ndi kupeza chidziwitso cha Mulungu. Pakuti Yehova apatsa nzeru; Iye amasungira olungama nzeru yeniyeni; Asunga mayendedwe a chiweruzo, Nasunga mayendedwe a oyera ake. Pamenepo udzazindikira chilungamo, ndi chiweruzo, ndi zolunjika; inde, njira iliyonse yabwino. Miyambo 2:1-9

Tenga nzeru, tenga luntha; osapatuka pa mau a mkamwa mwanga. Usausiye, ndipo udzakusunga; umkonde, ndipo udzakusunga. Nzeru ndiyo chinthu chachikulu; chifukwa chake tenga nzeru; Uukweze, ndipo udzakukweza; udzakucititsa ulemu, ukauufungatira. Idzakupatsa mutu wako chokongoletsera chachisomo: Idzakupatsa iwe korona waulemerero. MIYAMBO 4:5-9

Kuopa Yehova ndiko chiyambi cha nzeru: kudziwa woyera mtima ndiko luntha. Miyambo 9:10

Kucita zoipa kuli ngati maseŵera acitsiru; Koma wanzeru ali ndi nzeru. M'kamwa mwa wolungama mubala nzeru; koma lilime lokhota lidzadulidwa. MIYAMBO 10:23, 31

Pakudza kudzikuza padzanso manyazi; koma nzeru ili ndi odzichepetsa. Wopanda nzeru apeputsa mnansi wake; MIYAMBO 11:2, 12

Munthu adzatamandidwa monga mwa nzeru zake; koma wopotoka mtima adzanyozedwa. Miyambo 12:8

Kunyada kumabwera mikangano; koma ndi olangizidwa bwino ali ndi nzeru. Miyambo 13:10

Utsiru ukondweretsa wosowa nzeru; Koma munthu wozindikira amayenda molunjika. Kuopa Yehova ndiko mwambo wanzeru; ndipo patsogolo ulemu ndi kudzichepetsa. MIYAMBO 15:21, 33

Kupeza nzeru n'kwabwino kuposa golidi! ndi kusankha luntha koposa siliva; MIYAMBO 16:16

Wopeza nzeru akonda moyo wake; Wosunga luntha adzapeza zabwino. Miyambo 19:8

Gula chowonadi, osachigulitsa; ndi nzeru, ndi mwambo, ndi luntha. MIYAMBO 23:23

Wokonda nzeru akondweretsa atate wake; Miyambo 29:3

Ndodo ndi chidzudzulo zipatsa nzeru: Koma mwana womlekerera achititsa amake manyazi. Miyambo 29:15